

REVERENTISSIMO FRATRI ALBINO DIACONO, NON CHRISTI MINISTRO, SED ANTIFRASI BEATI¹ 799
FOETIDISSIMI^a DISCIPULO, TEMPORE GLORIOSI PRINCIPIS² IN FINIBUS AUSTRIAE EXORTO NOVO Oct.
ARRIO, SANCTORUM VENERABILUM PATRUM AMBROSII AUGUSTINI ISIDORI IHERONIMI DOCTRI-
NIS CONTRARIO, SI CONVERTERIT AB ERRORE VIAE SUAE, A DOMINO AETERNAM SALUTEM; ET
5 SI NOLUERIT, AETERNAM DAMPNATIONEM.

Epistolam tuam^{b 3} a rectae fidei tramite deviam, nidore^c sulfureo horrificam,
supersticioso sermone scriptam, exeunte^d Iulio accepimus relegendam. Vidimus, in-
quam, vidimus, quia non Spiritus ille, qui super capita discipulorum post ascensionem
Domini^e, ut loquerentur^f magnalia Dei, per te locutus est, sed ille qui dixit: 'Ero^{Act. 2, 3. 11.}
10 spiritus mendax in ore prophetarum eius'. Ipse tamen Dei filius, qui aufert stillas^{3. Reg. 22, 22.}
pluviae et effundit imbres ad instar gurgitum; qui fortes scilicet ad praemium vocat
et eorum vice debiles ad certamina roborat; qui illos suscipiendo remunerat, et istis
laborum vires, quibus subsistere valeant, subministrat; det in ore meo verbum veritatis
et bene sonantem, et responsum inertiae^g meae mulceat auditum aecclesiae catholicae,
15 in Christi nomine constitutae.

Quod vero asseris nullam carnis adoptionem in filio Dei secundum formam servi
de gloriosa Dei virgine suscepisse, non vera prosequeris, sed mendatio plenus esse
ostenderis, sicut et magister tuus antifrasius Beatus, antichristi discipulus⁴, carnis
inmundicia fetidus, et ab altario Dei extraneus, pseudochristi et pseudopropheta.
20 De illo enim dicit doctor egregius beatus Gregorius⁵: 'Perdidit auctoritatem docendi,
cuius sermo opere destruitur'.

Tu vero, carissime frater, vide ne, quod absit, de te sit scriptum: 'De radice^{Isai. 14, 29.}
colubri egressus est regulus, et de foramine aspidis egressus est basiliscus', id est
Albinus, nigredine teterrimus. Vide, ne fortasse non sis particeps levite Stephano,
25 qui se dicit caelos apertos videre et Iesum stantem a dextris Dei patris⁶, sed cum^{Act. 7, 55.}
Nicholaho, cuius facta idem Dei filius se odisse testatur. Et iterum vide, ne non sis^{ib. 2, 6.}
similis levite Vincentio, sed similis Datiano, qui eundem levitam consecravit martirio⁷.
Et iterum vide, ne tu sis similis Rufino, qui, beatum Felicem martirem ferinis actibus
persequens cultor idolatriae extitit; sicut et tu prosequeris alium Felicem⁸ confessorem.
30 Quem novimus ab ineunte etate caritate summum, pudicum et moribus ornatum⁹; quem
tu prosequeris in montibus et in speluncis et in cavernis terrae latitantem.

Vide¹⁰, ne tu sis, de quo propheta dicit: 'Fatuus fatua loquetur, et cor eius^{Isai. 32, 6.}
vana intellet'; et iterum: 'Docuerunt linguam suam loqui mendatium; ut inique^{Ier. 9, 5.}
agerent, laboraverunt'; et apostolus: 'Animalis homo non percipit ea, quae sunt spiritus^{1. Cor. 2, 14.}
35 Dei'. Psalmista quoque ait: 'Destruere inimicum et defensorem'. Inimicus et defensor^{Ps. 8, 3.}
esse dinosceris; quia, cum deitatem filii Dei vindicare ostenderis ante secula ex patre

182. ^a) feadissimi Pa. ^b) aut Pa. ^c) nitore Pa, Q. ^d) exeute Pa. ^e) descendit suppl.
Querc. ^f) loqueretur Pa. ^g) in uediue Pa; inaediae Q; inertiae ex con. Maiansii.

1) abbatis Hispani, adversarii sui. His verbis antifrasius Beatus intellegi vult Elipandus vocari
40 illum Beatum cum non sit beatus. De Beati vita v. Mabillon Acta SS. ord. Ben. saec. IV, 1, 733 sq. J.
2) Caroli regis. 3) ep. 166 supra p. 268—274. 4) Adv. Felic. I c. 8 (Opp. I, 793): Quod vero quem-
dam Beatum abbatem et discipulum eius Hitherium episcopum dicitis huic vestrae sectae primum
contraire laudamus. Cf. Epist. episcop. Hispan. ad episc. Galliae (Froben. II, 568. 572; Helfferich, West-
goth. Arianismus p. 139. 149) c. 1: antiphraasi Beati, nefandi Asturiensis presbyteri, pseudochristi et
45 pseudoprophetae; c. 16: Beatum, os fetidum et omni spurcitia saginatum. 5) immo Hieronymus,
ep. 69 (Opp. I, 420). 6) Adv. Elip. I c. 7 (Opp. I, 878): Ego cum Nicolao, cui me comparasti, nup-
tiales taedas non exstinguo, sed cum b. Stephano . . video Iesum stantem a dextris Dei . . Ego cum
impio Datiano praeclari martyris Vincentii non sum persecutor . . Ego cum Ruffino beatum Felicem
martyrem non feci. 7) Cf. Vitam S. Vincentii, Acta SS. Ian. T. II, 394 sq. 8) ep. Urgellitanum.
50 9) Adv. Elip. I c. 7: Illum vero Felicem, quem tu caritate summum, pudicum, moribusque ornatum
asseris, nos habemus in castris Christi. 10) Cf. ibid. I c. 8.